



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანგელოზი

ანგელოზი (ბერძნ. angelos – მაცნე), ბიბლიაში ღვთის მაცნე, ღვთის ნებისა და გადანყვეტილების შემტყობინებელი ადამიანთათვის.

ზეციური იერარქიის უქვემოესი მწყობრის არსებათა ზოგადი სახელი (იხ. დიონისე არეოპაგელის „ზეციური იერარქიისათვის“). საბას განმარტებით: „მომთხრობელი, გინა ქადაგი. ესე არს არსება გონიერი, უნივთო, უსხეულო, დასაბამიერი და დაუსრულებადი, სული ნათელი და მსწრაფლ მიმდრეკი წინაშე ღვთისა მდგომელი“. ხალხ. ქრისტიანობაში, განსაკუთრებით აღმ. საქართველოს მთიანეთში, ა. საზოგადო სახელია სალოცავი არსებებისა (წმინდანთა, ჯვარ-ხატთა, ღვთისშვილთა), რა სახელსაც არ უნდა ატარებდნენ ისინი: წმ. გიორგი, ღვთისმშობელი, მთავარანგელოზი მიქაელი, კოპალა, კვირია... მაგ.: „ხვთის კარზე შავიყარენით ანგელოზები თავნია...“ (ვარიანტი – „ხთის კარზე შვეიყარენით სამოცდასამი ჯვარია“). ქართ. ენაში ა. ბნეობრივად და ფიზიკურად სრულყოფილი ადამიანის მნიშვნელობით არის დამკვიდრებული.

ლიტ.: კ ი კ ნ ა ძ ე ბ., ქართლის მოქცევის ანდრეზული ვარიანტები, «მაცნე». ენისა და ლიტ. სერია, 1982, № 1; ს ა ხ თ კ ი ა თ., ქართული ხატოვანი სიტყვა-თქმანი, თბ., 1979.

ზ. კიკნაძე
